

So du wilt das sehen an  
Was sünd/ vnd vnrecht ist gethan/  
Wer kan Herr für dir bleiben?

Zu dem ist es auch nicht ein newe schuld/das  
wir etwan hoffnung hetten / vns noch eine zeit-  
lang zufristen/ vnd aufzuhalten/ wie offtermals in  
*ciuili vita* pflegt zugeschehen / sondern es ist gar ein  
alter rest/den vnre ersten Eltern bald im Paradis ge-  
macht haben/Gen. 3. auff ihre nachkomen gebracht  
vnd vererbet/ Gen. 5. Psal. 51. das es heist: was vom  
fleisch geboren ist / das ist Fleisch. Joh. 3. v. 6. Wir  
waren kinder des zorns von natur/gleich wie auch  
die andern/Eph. 2. v. 3. Wie durch einen menschen die  
sünde ist kommen in die Welt/ vnd der tod durch die  
sünde / also ist der Tod zu allen menschen durchge-  
drungen/ dieweil sie alle gesündigtet haben / Rom. 5.  
v. 12.

Mit weltlichen schulden ist es dahin bewand/  
das man offtermals auff Termin sich vergleicht/  
von Termin zu Termin die schuld zahlet / vnd also  
mindert vnd geringert. Aber mit dieser sündenschuld  
hat es alles ein andere beschaffenheit/man kan nich-  
tes ablegen vnd bezahlen. Denn des menschen tich-  
ten vnd trachten ist nur böse immerdar/ Gen. 6. v. 5.  
Das tichten des menschlichen hertzens ist böse von  
jugend auff. Gen. 8. v. 21. Die menschen sind thoren.

L iij

Psal.

i.

k.

l.

m.

n.